

Java Citronella (*Cymbopogon winterianus*)-ko ge-a gamani

Talatchengani : *Cymbopogon winterianus* –ko (Java Citronella) perfume tarigipa industry- rango bang-e jakkala aro ian bilongen gamchatgipa biba on-giparangoni ong-a. Citronella-ni toko biba on-gipa chemicals-rangko tarianio jakkala jekai citronellal, hydroxyl citronellal aro uni gimin citronella-ko bilongen gamchate ra-a. Citronella-ni toko mongsongbate sabon, nong-a sitani aro ganggurangko katatgipa cream-rangko tarianio jakkala. Ia to gipin mikronchi nikna man-giijagipa jo-ongrangnaba kam ka-a. To jetgimin samsiko a-ako chijime rakkina pindapna jakkala, gipin samsirangko to jetanio wa-al sona aro rough paper board-rangko tarianio jakkala. Ia ratrikrike jakkalna man-gipa samsiko changbonga oni changdokrang ratenba jakkaltogipa ba gamchatgipa toko hectare saoni 200 kg-rang man-ronga.



Citronella



Citronella-ni chokchimrang

Salni bewal: Ian ding-gipa biaprango name tangbata jeon mikka waani (200-250 cm) aro humidity chu-gipa biaprango. Chu-onga gita a-ani chijimani aro sal name man-anian ia samsini name tanganiko, to man-aniko aro toni namanio minggni nangchongmotgiparang ong-a. Ding-gijagipa ba ka-singipa biaprango ge-on ia samsini tangani nambrejanaba donga aro to man-anirangko nosto ka-naba donga.

A-a aro a-ako tariani : Citronella an-cheng donchapgipa biaprango name tangrongbata jeon chu-onga gita a-salrang donga aro pH 5-7 ong-gipa a-arango. Name dake chijokna man-gipa a-arango citronella-ko ge-na gita nanga. Je a-arangon a-sal chu-ongja uarango matchu ki-eko hal gamitingo on-na gita man-gen. Iako ge-na somoi meligipade May-June jarang ong-a. Chi ruaniko mikka chio pangchakode ia ge-aniko September jaona kingkingba chu-onga gita mikka waode dakna gita man-gen. Jimbee mikka wamitingo ia ge-aniko dakjana gita nanga jedakode ge-gimin samsirangni sianiko komiatna gita man-gen.



Ge-e game cha-giparang ge-na a-ako tarienga

Ge-ani : la samsi ge-prak ge-prako ra-e 50 x 40 ong-jaoba 60 x 30 cm chel-grikaniko jakkale line line dake pangsaoni pangsoana ge-na gita nanga. A-kol ge-sao pangsa dake ge-na nanga. Indake ong-genchimoba, a-kol gesao panggni ba panggittam dake ge-o tanganiko baridapata, ge-na baseon mangrakgipa, bilakgipa aro dambegipa samsini chokchimrangoniko ra-na nanga aro ge-aniko samsini chokchimko pikani ja-mano pangsa pangsa dake dingtangatani ja-mano ge-na nanga. Ge-aniko ru-utatode, pangprak dake ra-gipa samsirang ran-naba donga jean samsini jelaniko komiatgen. A-ani chijimaniko samsirang name dake tangkujana kingking nirokna nanga. 66000 (Hajar sotdokdok) pangrangko hectare-sa biapna nanga.



Nursery-rang



Chokchim-oniko ge-prak ge-prak dake bak gimin



Ge-prak prak dake gital ge-giminrang

Nanggijagipa samsirangko pike galani: Citronella samsirang ge-ani skanggipa jarango gipin samsirang baksa susaana altua. la neng-nikani wachi kario bilongbata. la samsiko sal sotdok oni sal sotsni bongaona gipin samsirangoni name dake tangna gita naljoke rakkina nanga.



Citronella-ko plain ong-gipa biapo ge-gipa



Citronella-ko a-dare ba a-brio ge-gipa

Ratani: Skanggipa rataniko jabri ba jabongani ja·mano ratna gita man·a aro gnigipa aro gittamgipa bilsirango ja gittam ja·man ja·man ratna gita man·a. Rataniko katchi-chi 15cm a·aoni chu-e ratna gita nanga. A·aoni sepange rato samsini sianiko ra·baa.



Ratmiting

To jetani: To jetna gita kanta gittam oni kanta briona gita field distillation unit-rango nanga.

Man·ani: Bilsil prako samsiko man·ani 20- 22 tonnes-rangko hectare sa a·aoniko man·a. Average to man·ani 1% ong·a. Bilsil prako to man·ani 200-220 kg ong·a. la citronella samsiko name nirokode bilsil prako hectare sa a·aoniko 200 kg-na bate komijana gita nanga.



To jetgipa machine



Jetgimin to